



Broj: 01-3-11-2702/24
Sarajevo, 20.03.2024. godine

Na osnovu člana 19. Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo". Broj 37/21), člana 8. i člana 70. Zakona o javnim nabavkama BiH („Službeni glasnik BiH“ broj 39/14 i 59/22), Pravilnika o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH" broj: 2/23) i Pravilnika o javnim nabavkama Javne ustanove Institut za razvoj preduniverzitetskog obrazovanja Kantona Sarajevo broj: 985/23 od 09.02.2023. godine (u daljem tekstu: Institut), a na osnovu Zapisnika Komisije za postupak nabavke usluge organizacije raznih događaja (studijske posjete sa obrazovnim sadržajem) broj: 11-11-2701/24 od 20.03.2024. godine, Direktorica Instituta donosi

ODLUKU
o izboru najpovoljnijeg ponuđača
u postupku nabavke usluge organizacije raznih događaja
(studijske posjete sa obrazovnim sadržajem)

I

U postupku javne nabavke usluge organizacije raznih događaja (studijske posjete sa obrazovnim sadržajem), na koje se primjenjuje poseban režim shodno članu 8. Zakona o javnim nabavkama ovom odlukom vrši se izbor najpovoljnijeg ponuđača: Babić-Bisstours d.o.o. Zenica u vrijednosti nabavke 737.800,00 KM bez PDV-a za 8 (osam) pohoda/studijskih posjeta, sa jediničnom cijenom po jednom paketu aranžmana za putnika u iznosu od 368,90 KM bez PDV-a.

II

Ponuđač je dužan prije realizacije putovanja dostaviti pisane dokaze o tehničkoj ispravnosti autobusa, te imena vozača i ljekarsko uvjerenje za iste propisane Javnim pozivom za javnu nabavku - izmjena i dopuna nabavka usluge organizacije raznih događanja (studijske posjete sa obrazovnim sadržajem) broj: 01-3-11-2080/24 od 29.02.2024.godine objavljen na portalu javnih nabavki 29.02.2024. godine, te će nakon završenih 8 (osam) pohoda/studijskih posjeta izdati račun za izvršene usluge.

Obrazloženje

Na osnovu Odluke o pokretanju postupka javne nabavke: Usluge organizacije raznih događaja (studijske posjete sa obrazovnim sadržajem) broj: 01-3-11-1533/24 od 07.02.2024. godine i Rješenja o imenovanju Komisije za predmetnu nabavku broj: 01-3-11-1599/24 od 09.02.2024.



godine, Komisija provodi postupak nabavke, putem Javnog poziva za dostavljanje ponuda objavljenog na portalu javnih nabavki u skladu sa članom 8. Zakona o javnim nabavkama – nabavka po posebnom režimu i Pravilnika o postupku dodjele ugovora o uslugama iz Aneksa II Zakona o javnim nabavkama (“Službeni glasnik BiH” broj: 2/23). Nakon donošenja Odluke o izboru najpovoljnijeg ponuđača u postupku nabavke usluge organizacije raznih događaja (studijske posjete sa obrazovnim sadržajem) broj: 01-3-11-1896/24 od 20.02.2024. godine za realizaciju prvog i drugog pohoda/studijske posjete, dana 29.02.2024. godine na portalu Javnih nabavki objavljen je Javni poziv za javnu nabavku - izmjena i dopuna nabavka usluge organizacije raznih događanja (studijske posjete sa obrazovnim sadržajem) broj: 01-3-11-2080/24 od 29.02.2024.godine.

Ispravka Obavještenja na portalu javnih nabavki broj: 30846-9-2-2-8-6/24 od 29.02.2024. g.

Komisija je konstatovala da je postupak za nabavku usluge organizacije raznih događaja (studijske posjete sa obrazovnim sadržajem) otvoren do 15.03.2024. godine do 10:00 sati i da će se otvaranje pristiglih ponuda vršiti nakon isteka krajnjeg roka za dostavu ponuda. Ukupna planirana vrijednost nabavke iznosi 940.170,00 KM bez PDV-a, a sredstva su obezbjeđena u Planu javnih nabavki usluga za 2024. godinu broj: 01-1-04-1046-3/24 od 29.01.2024. godine pod rednim brojem 3. sa JRJN oznakom: 79952000-2.


S obzirom da su realizirana prva dva pohoda/studijske posjete, preostali iznos osiguranih sredstava za preostalih planiranih 8 (osam) pohoda/studijskih posjeta iznosi 752.170,00 KM bez PDV-a, koji će se realizirati do 13.06.2024.godine.

Do krajnjeg roka za dostavu ponuda do 15.03.2024 do 10.00 sati prispjele su 3 (tri) ponude ponuđača i to:

1. Ponuda ponuđača "Ventura travel agency" d.o.o. Travnik, broj: 11-11-2459/24 od 13.03.2024. godine u 09.30 sati (dostavljena putem kurira na protokol ugovornog organa) sa ukupnom vrijednosti ponude u iznosu od 740.000,00 bez PDV-a za 8 (osam) pohoda/studijskih posjeta, sa jediničnom cijenom po jednom paketu aranžmana za putnika u iznosu od 370,00 KM bez PDV-a.

Ponuda ne ispunjava sve uslove utvrđene Javnim pozivom, te je ista ocjenjena kao nepravilna iz razloga što je Ponuđač dostavio ponudu koja nije pripremljena u skladu sa zahtjevom utvrđenim dijelom Javnog poziva – IZMJENA I DOPUNA naziva „Način izrade ponude“ objavljenog na portalu javnih nabavki 29.02.2024. godine, a u kojem je navedeno sljedeće:

*Ponuđači su obavezni da pripreme ponude u skladu sa kriterijima koji su utvrđeni u ovom pozivu. Ponude koje nisu u skladu sa ovim pozivom bit će odbačene kao neprihvatljive. Ponuđači snose sve troškove nastale na ime pripreme i dostavljanja njihovih ponuda. Ugovorni organ ne snosi nikakve troškove ponuđača u postupku nadmetanja. Stranice ponude se označavaju brojem, na način da je vidljiv redni broj stranice. **Ponuda se izrađuje na način da čini cjelinu. Ponuda se čvrsto uvezuje na način da se onemogućí naknadno vađenje ili umetanje listova. Ponuda se piše neizbrisivom tintom. U tom***



smislu ugovorni organ će samo i isključivo prihvatiti ponude koje budu uvezane jemstvenikom (notarski konac, koji na prednjoj ili zadnjoj strani ponude mora biti ojačan voštanim žigom ili naljepnicom preko koje stoji pečat ponuđača) ili čvrstim knjiškim uvezom sa koricama. Ponuđač podnosi ponudu na jednom od jezika koji je u službenoj upotrebi u Bosni i Hercegovini.

Pregledom ponude ponuđača Ventura travel agency, Donja čaršija 1A Travnik, a u cilju utvrđivanja njene prihvatljivosti prema obliku, sadržaju i potpunosti, Komisija je konstatovala da je naprijed navedeni ponuđač dostavio ponudu u spiralnom uvezu, ali isti nije dodatno osiguran jemstvenikom, tj. ponuda nije uvezana na propisan način. Ponuda nije uvezana jemstvenikom, (*notarski konac, koji na prednjoj ili zadnjoj strani ponude mora biti ojačan voštanim žigom ili naljepnicom preko koje stoji pečat ponuđača) ili čvrstim knjiškim uvezom sa koricama.*) odnosno ponuđač nije osigurao integritet ponude i onemogućio naknadno vađenje ili umetanje listova, kako je traženo Javnim pozivom za javnu nabavku - izmjena i dopuna - Nabavka usluge organizacije raznih događanja (studijske posjete sa obrazovnim sadržajem) broj: 01-3-11-2080/24 od 29.02.2024. godine. Uvažavajući odredbe člana 58. stav (2) Zakona o javnim nabavkama BiH („Službeni glasnik BiH“ broj 39/14, 59/22) koji glasi: *Ponuda mora biti čvrsto uvezana i sve strane ponude numerisane (izuzev dokaza o garanciji iz stava (1) tačke b) ovog člana, te štampane literature, brošura, kataloga i sl.),* odnosno člana 8. stav (2) koji glasi: *Ponuda se čvrsto uvezuje na način da se onemogući naknadno vađenje ili umetanje listova.* Komisija za predmetnu nabavku je jednoglasno donijela zaključak da se ponuda naprijed navedenog ponuđača odbaci u skladu sa članom 68. stav (4) pod j) Zakona o javnim nabavkama BiH („Službeni glasnik BiH“ broj 39/14, 59/22).

Shodno tome ponuda ponuđača "Ventura travel agency" d.o.o. Travnik ocjenjena je nepravilnom.

2. Ponuda ponuđača "Centrotrans" d.d. Sarajevo broj: 11-11-2582/24 od 15.03.2024. godine u 09.38 sati (dostavljena putem kurira na protokol ugovornog organa), sa ukupnom vrijednosti ponude u iznosu od **746.000,00 KM bez PDV-a** za 8 (osam) pohoda/studijskih posjeta, sa jediničnom cijenom po jednom paketu aranžmana za putnika u iznosu od 373,00 KM bez PDV-a.
Ponuda ispunjava sve pravne, ekonomske i tehničke uslove utvrđen Javnim pozivom, te je ista ocjenjena kao formalno-pravno, ekonomski i tehnički **prihvatljiva**.
3. Ponuda ponuđača "Babić-Bisstours" d.o.o. Zenica, broj: 11-11-2611/24 od 15.03.2024. godine u 09.39 sati (dostavljena putem kurira na protokol ugovornog organa) sa ukupnom vrijednosti ponude u iznosu od **737.800,00 KM bez PDV-a** za 8 (osam) pohoda/studijskih posjeta, sa jediničnom cijenom po jednom paketu aranžmana za putnika u iznosu od 368,90 KM bez PDV-a. Ponuda ispunjava sve pravne, ekonomske i tehničke uslove utvrđen Javnim pozivom, te je ista ocjenjena kao formalno-pravno, ekonomski i tehnički **prihvatljiva**.



Na osnovu svega gore navedenog, Zapisnika Komisije za nabavku, broj: 11-11-2701/24 od 20.03.2024. godine kao i Zahtjeva Nosioca posla broj: 04-1-11-2019/24 od 27.02.2024. godine za realizaciju preostalih 8 (osam) pohoda /studijskih posjeta, Direktorica Instituta donosi:

- Odluku o izboru najpovoljnijeg ponuđača "Babić-Bisstours" d.o.o. Zenica u postupku javne nabavke usluge organizacije raznih događaja (studijske posjete sa obrazovnim sadržajem) tj. daje svoju saglasnost da odabrani ponuđač počne sa realizacijom preostalih 8 (osam) pohoda/studijskih posjeta u periodu od 14.04.2024. godine do 13.06.2024. godine u skladu sa cijenom sa ukupnom vrijednosti ponude u iznosu od **737.800,00 KM bez PDV-a** za 8 (osam) pohoda/studijskih posjeta, sa jediničnom cijenom po jednom paketu aranžmana za putnika u iznosu od 368,90 KM bez PDV-a. Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretnu javnu nabavku i koji smatra da je ugovorni organ u toku konkretnog postupka prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu shodno članu 99. i članu 101. stav. 4. Zakona o javnim nabavkama.

DOSTAVITI:

1. Ponuđačima (3)
2. Komisiji za javne nabavke
3. Nosiocu posla
4. Sektor za plan, analizu, pravna i opća pitanja
5. a/a



DIREKTORICA INSTITUTA

Salihović
Senada Salihović